



Bou ons kinders vir môre

Sondagskool 4

Lestitel: God se verbond

'n Ouerhandleiding

Sondagskooltuisonderrig



Liewe Ouer

Welkom by die les: “**God se verbond**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	God se verbond
Bybelwoord	Eksodus 19-20, Eksodus 24 en Eksodus 32
Lesdoelwit	Die kinders leer dat God 'n verbond met die volk Israel gesluit het en dat die Here van sy volk verwag om Hom te gehoorsaam en sy gebooie te onderhou.

Lesopsomming:

- Drie maande nadat hy die Rooi See oorgesteek het, het Moses die volk Israel na die berg Horeb, ook bekend as die berg Sinai, gelei en hulle het daar aan die voet van die berg gekamp.
- Moses het die berg opgeklim om God te ontmoet. Toe hy terugkom, sê hy vir die volk: “God wil 'n verbond met ons sluit. As ons sy stem gehoorsaam en sy verbond nakom, sal ons syne wees en 'n heilige nasie wees. Berei juisself voor, oor drie dae sal God Homself openbaar.”
- Na drie dae het God Homself aan die volk in 'n donker donker wolk openbaar. Hy het 'n verbond met hulle gesluit en hulle die tien gebooie gegee. **Lees Eksodus 20 om te sien wat hierdie gebooie was.**
- 'n Paar dae later het God weer vir Moses na die berg geroep. Hy wou met hom praat en het vir hom kliptafels gee waarop God self die Tien Gebooie geskryf het. Moses was 'n paar weke weg.
- Intussen het die kinders van Israel gou van God afgewyk, hulle het 'n goue kalf gemaak en dit aanbid en daaraan offers gebring.
- Nadat veertig dae verby was, het God vir Moses teruggestuur. Hy het vir Moses vertel wat die Israeliete doen en Hy wou hulle vernietig. Moses kon nie verstaan hoe die volk God so vinnig kon vergeet nie.
- Toe Moses sien hoe wild die mense om die goue kalf dans, was hy so kwaad dat hy die twee kliptafels met die Tien Gebooie op die grond stukkend gegooi het.
- Moses sê dan vir die volk: “Julle het groot sonde begaan; maar nou sal ek na die Here opklim: miskien kan ek vir julle sonde versoening doen.” Hy wou die volk weer met God versoen.



Wat beteken hierdie les vandag vir ons?

- God het ook 'n verbond met ons gesluit toe ons gedoop en verseël is.
- God het self die tien gebooie (wette) geskryf en dit is steeds geldig.
- God verwag van ons om sy wette te gehoorsaam, Hom lief te hê en te eer, mekaar te respekteer en sonde te vermy.

Ons moet altyd daarna streef om God se gebooie te gehoorsaam. Hy hou altyd by sy beloftes.

Sommige vrae wat ons kan vra:

1. Hoe het God homself aan sy volk geopenbaar?

Antwoord: In 'n donker wolk.

2. Wat het God aan sy volk gegee en waar is dit in die Bybel opgeteken?

Antwoord: Die tien gebooie en dit is opgeteken in Eksodus 20

3. Wat het die Israeliete gedoen terwyl Moses vir veertig dae weg was?

Antwoord: Hulle het 'n goue kalf gemaak, dit aanbid en daaraan offers gebring.

4. Wat wou God aan die Israeliete doen omdat hulle Hom nie gehoorsaam het nie?

Antwoord: Hy wou hulle vernietig.

5. Wanneer het God 'n verbond met ons aangegaan?

Antwoord: Toe ons gedoop en verseël is

6. Wat verwag God van ons as sy kinders?

Antwoord: Om sy wette te gehoorsaam, Hom lief te hê en te eer, mekaar te respekteer en sonde te vermy

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen



'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.